



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 123. Finis Historiarum Michovii, & Cromeri

[urn:nbn:de:hbz:466:1-67025](https://nbn-resolving.org/urn:nbn:de:hbz:466:1-67025)

Sæcul. XVI.
A. C. 1506.

§. CXXIII.

*Finis Historiarum Michovii &
Cromeri.*

*Vossius lib. 3.
de Hist. Lat.*

Porro in Sigismundi electione tam Matthias Michou, seu Michovius, quam Martinus Cromerus Historiis suis de rebus Polonorum finem imposuerunt. Horum primus artis medicæ Doctor, Cracoviensis Canonicus, atque insignis Astronomus erat, suumque Poloniæ Chronicon Sigismundo Regi nuncupabat: Præterea alios duos scripsit commentarios, unum de Sarmatia Europæa, alterum de Asiatica, qui libri cum aliis quibusdam novi Orbis relationibus Anno Salutis millesimo quingentesimo trigesimo secundo Parisiensibus literis excusi prodierunt. Martinus Cromerus, qui Sigismundo ab epistolis, demum defuncto Hosio Cardinale Episcopus Warniensis renunciabatur, suam quoque Rerum Polonicarum historiam in triginta libros divisam ab Anno Salutis quingentesimo quinquagesimo concinnavit, quartamque ejusdem editionem Anno Domini quingentesimo octogesimo sexto supra millesimum ipse adornavit; Mortuus creditur die decima tertia Martii Anno millesimo quingentesimo octogesimo nono.

*Miræus de
Script.
Sæcul. XVI.*

Aliud

Aliud præterea scripsit opus de situ Po-
loniæ, & de gente, ac moribus Polono-
rum, necnon quosdam tractatus Polemi-
cos adversus Protestantes item colloquia de vera, & falsa Religione in qua-
tuor libros, & de cælibatu Sacerdotum,
Ultima ejusdem Historiæ editio, quam
adhuc vita superstes concinnavit, nuncu-
pata est Stephano Batorio.

Sæcul. XVI.
A.C. 1506.

§. CXXIV.

Alphonsus Alburquercius a Lusitano Rege ad Indos missus.

Hoc anno Emanuel Lusitaniæ Rex *Barros dec. 2*
celeberrimum Alphonsum Albur-*lib. I. c. I. & 2.*
quercium, qui rebus præclare gestis *Ma- & lib. 2.*
gni nomen emeruit, Legatum ad Indos
Occidentales decrevit, ut Almeidæ in
Pro-Regis dignitate succederet, quo mu-
nere summa fidelitate, ac prudentia fun-
ctus, in quovis ferme suscepto negotio
prosperam expertus est fortunam. Huic
Emanuel laboris socium adjunxit Trista-
num de Cunha, qui duas, licet exiguas,
Æthiopum Insulas, hodiedum suo nomi-
ne insignitas detexit, quæ in elevatione
Poli vigesimum longitudinis, latitudinis
vero trigesimum septimum gradum ob-
tinent, ac Occidentem versus trecentis
quin-